



Sipas Nenit 109 të Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092

Për: Komuna e Vitisë, Adresa e AK: Rruga 28 Nëntori pn -VITI, Qyteti: Viti

Kodi Postar: 61000, Adresa Elektronike: fadil.abazi1@rks-gov.net

Personi Kontaktues: Fadil Abazi

E-mail: fadil.abazi1@rks-gov.net, Telefoni: 0280 381 519

Për Aktivitetin e Prokurimit: 657-17-983-2-2-1

Sa i përket tenderit për: Shërbimet e pastrimit dhe mirëmbajtjes së objekteve Komunale, Shëndetësore dhe Arsimore

1. Identifikimi i OPERATORIT EKONOMIK

NTSH AB CLEAN.

(Emri i OE)

RR.Skenderbeu Nr 3 , kati I, Lipjan

(Adresa e OE)

Lipjan

(Selia)

abcleankosova@gmail.com

044-135- 292

(Adresa elektronike)

Albulena Brestovci

(Drejtor)

22.05.2017

(Neutshkrimi)

(Data)

2. Identifikimi i avokatit

Parashtruesi i kërkesës mund ta parashtoj kërkesën vetëm ose përmes avokatit të tij. Nëse kërkesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

N/A

3. Të dhënat mbi aktivitetin e prokurimit

Kuvendi komunal ne Viti me date 20.03.2017 ka publikuar Njoftimin per kontrate per aktivitetin e prokurimit me titull te kontrates: : Shërbimet e pastrimit dhe mirëmbajtjes së objekteve Komunale, Shëndetësore dhe Arsimore

- Numer të prokurimit: : 657-17-983-2-2-1
- Procedure e hapur,
- Kontrate publike kornizë me nje operator ekonomik
- Shërbime, Vlerë e mesme.
- Vlera parashikuar e kontratës 80 000. euro
- Kriteri per dhënie të kontratës: Çmimi me i ulte i tenderit të përgjegjshëm,

Afati i fundit për pranim të tenderëve ka qen me datë 12.04.2017 në ora 14:00:00 në ndërtesën e Kuvendit te komunës, Zyrën e prokurimit. Tenderi është dorëzuar ne mënyrë fizike ne AK.

Takimi për hapjen e tenderëve ka qen me datë 12.04.2017 në ora 14:00:00 në vendin e caktuar ne njoftimin per kontrate.

Me date 04. maj 2017 kemi pranuar Njoftimin per eliminimin nga aktiviteti i mëtejme i prokurimit.

4. Procesi i Hapjes së tenderëve, nëse aplikohet

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po ☒

Jo ☐

Hapja e tenderit është bere ne vendin e caktuar dhe ne kohen e caktuar ne Njoftimin per kontrate.

Procesi i hapjes është zhvilluar konforme Ligjit.

NUK KEMI VEREJTJE

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po ☒

Jo ☐

6. Zgjidhja preliminare e mosmarrëveshjeve

A keni bërë kërkesë për rishqyrtim pranë AK lidhur me arsyet e eliminimit tuaj?

Po ☒

Jo ☐

Me datë 04 maj 2017 nga Zyra e prokurimit të KK Vitisë kemi pranuar Njoftimin për eliminimin nga aktiviteti i mëtejme i prokurimit përmes Letrës standarde

Te pakënaqur me Vendimin për eliminim ne kemi kërkuar qasje në dokumentet publike.

Me datë 09.05.2017 kemi marrë qasjen në dokumentet e tenderit.

Me datë 09.05.2017 kemi ushtruar Kërkesë për rishqyrtim.

Me datë 12.05.2017 kemi pranuar Vendimin për refuzimin e kërkesës me arsyetimin se nuk kemi ofruar dëshmi mbi pronësinë e automjetit si dhe nuk kemi plotësuar specifikimet teknike.

7. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

Të pakënaqur me: Vendimin për refuzimin e Kërkesës për rishqyrtim dhe Njoftimin për eliminim nga aktiviteti i mëtejme i prokurimit të AK-se, Zyrës së prokurimit të KK Vitisë dhe në pajtim me nenin 108A të LPP-se, parashtrojmë këtë ankese kundër:

1. Vendimin për refuzimin e Kërkesës për rishqyrtim

dhe

2. Njoftimit për eliminimin nga aktiviteti i mëtejme i prokurimit
3. Njoftimit për dhenie të kontratës

Pretendojmë e se AK-Kuvendi Komunës së Vitisë përmes Komisionit për vlerësimin, krahasimin dhe ekzaminimin e tenderit gjatë procedurës së vlerësimit, ekzaminimit dhe krahasimit të tenderit ka bërë shkelje të dispozitave të; Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, (në tekstin e mëtejme do të i referohemi LPP-së dhe atë) konkretisht:.

- Neni 6 Ekonomiciteti dhe Efikasiteti
- Neni 7, Barazia në trajtim/Jo diskriminimi
- Neni 56, Dispozitat e Përgjithshme mbi Përzgjedhjen e Pjesëmarrësve dhe Dhënien e Kontratave,
- Neni 59, Vlerësimi ekzaminimi dhe krahasimi,
- Neni 72 Dokumentacioni dhe informacioni shtesë

8. Deklaratë detale mbi faktet dhe argumentet

Përshkruani rrethanat faktike që përbëjnë supozimin për shkeljen e dispozitave të LPP-së. Ofroni deklaratë të qartë dhe të detajuar për faktet dhe argumentet të cilat mbështesin secilën bazë të kërkesës suaj për rishqyrtim.

Në vazhdim të kësaj ankese do të përpiqemi që të argumentojmë shkeljet e pretenduara të:

1. Të dispozitave të LPP-se në RK.

➤ *Neni 6 Ekonomiciteti dhe Efikasiteti*

Rekomandimi i Komisionit për vlerësimin, ekzaminimin dhe krahasimin e tenderit që, tenderi i OE NTSH AB" Clean " te eliminohet nga aktiviteti i me tejme i prokurimit edhe përkundër asaj që i ka plotësuar kushtet formale administrative te pjesëmarrjes ne tender si dhe te shpërblehet me kontratë oferta e operatorit ekonomik SAF SHPK me qmim prej 109 043.64 euro që per nga per nga çmimi është me e shtrenjte dhe është ne kundërshtim me nenin 6 të LPP-së në RK, duke i dëmtuar rende fondet publike dhe burimet publike ne shume eprej 7 226.76 euro.

Ligji parasheh obligimin e çdo Autoritet publike janë te obliguara qe te sigurojnë qe fondet publike dhe burimet publike te përdoren ne mënyrën me ekonomike njëkohësisht duke marre ne konsiderate lenden e prokurimit.

➤ *Nenit 7, Barazia në trajtim/Jo diskriminimi*

Rekomandimi i Komisionit për vlerësimin, ekzaminimin dhe krahasimin e tenderit që, tenderi i OE NTSH AB" Clean " te eliminohet nga aktiviteti i me tejme i prokurimit edhe përkundër asaj që i ka plotësuar kushtet formale administrative te pjesëmarrjes ne tender si dhe te shpërblehet me kontratë oferta e operatorit ekonomik te shpërblyer me kontrate ka qen ne kundërshtim me nenin 7 të LPP-së në RK, duke favorizuar ofertën e këtij operatori dhe duke diskriminuar ofertën e OE te lartpërmendur.

Pabarazia ne trajtim si dhe favorizimi si dhe diskriminimi është bere nga ana e AK ne procedurën e kualifikimit dhe përzgjedhjes me rastin e eliminimit te ofertës se NTSH "AB Clean"

Ligji parasheh obligimin e çdo Autoritet kontraktues do ti trajtoj operatorët ekonomik në mënyrë të barabartë dhe jo-diskriminues dhe do të veprojë në mënyrë transparente.

➤ *Neni 56, Dispozitat e Përgjithshme mbi Përzgjedhjen e Pjesëmarrësve dhe Dhënien e Kontratave*

Pretendojmë se Komisioni për vlerësimin, ekzaminimin dhe krahasimin e tenderit ka vepruar ne kundërshtim me neni 56 , paragrafin 1.1 dhe paragrafi 1.2 te LPP-se ne Republikën e Kosovës.

Ne vijim po citoj dispozitat e nenit 56. paragrafi 1.1 dhe 1.2 te këtij ligji,

Të gjitha kontratat publike do të jepen, sipas procedurave të themeluara për një seleksionim të tillë, dhe përmes:

1.1. së pari, vlerësimi të tenderëve dhe kandidatëve sipas kërkesave të kualifikimit të specifikuara në njoftimin e kontratës dhe në dosjen e tenderit sipas paragrafit 2. të nenit 51 të këtij ligji, dhe tenderëve sipas specifikimeve teknike të kërkuara në bazë të nenit 28 të këtij ligji; 40

1.2. së dyti, vlerësimi i tenderëve në përputhshmëri të kriterëve të vendosura në nenin 60 të këtij ligji.

Nëse i referohemi Letrës standarde të tenderuesit të eliminuar, te dërguar nga AK: KK Vitisë arsyeja për eliminimit është: **Se nuk e keni plotësuar kriteret sipas FDT, nuk keni plotësuar Specifikimet e det. Teknike dhe nuk keni Plotësuar kushtin për tri referenca për tri vitet e fundit.**

Pretendojmë se Komuna e Vitisë ka dështuar në kualifikimin dhe përzgjedhjen e operatoreve ekonomik konformë kushteve formale administrative të pjesëmarrjes në tender të përcaktuara në Njoftimin për kontrate dhe në FDT të dosjes së tenderit në momentin kur ka vlerësuar se Oferta e kompanisë NTSH AB Clean, është e pa përgjegjshme në kuptim të dispozitave të LPP-se. Arsytet e eliminimit nuk qëndrojnë dhe janë në kundërshtim të plote me kërkesat formale administrative të pjesëmarrjes në tender.

Ne vijim të kësaj ankese do të argumentojmë këto pretendime:

1. Sa i përket arsyes se pare se nuk kemi plotësuar Specifikimet e detyrueshme teknike kjo arsye nuk qëndron sepse ne ju kemi ofruar këtë dëshmi edhe pse nuk ka qenë e specifikuar si kusht për kualifikim dhe përzgjedhje në FDT të dosjes së tenderit.
2. Ndërkaq për arsyen e dytë se ne nuk kemi plotësuar kushtin për tri referenca për tri vitet e fundit, edhe kjo arsye nuk qëndron sepse AK KK Vitisë në FTD e dosjes së tenderit në paragrafin 9.1 të Kërkesat e kapacitetit teknik ose profesional - **Kapaciteti teknik dhe profesional keni kërkuar nga OE të ofrojnë dëshmi të dokumentuar : 1.Lista e kontratave të shërbimeve që kanë të bëjnë me me pastrime të objekteve ose shërbime të ngjajshme kontrata të realizuara nga Operatorit ekonomik ose grup Operatorësh, Minimum një kontratë, bashkë me referencën,** që don të thotë se ne kemi ofruar dy kontrata dhe dy referenca dhe me këtë kemi përmbushur kërkesat e dosjes së tenderit të përcaktuara në FDT.
3. Sa i përket arsyes së tretë të përshkruar në kërkesën për rishikim të vendimit se nuk kemi ofruar dëshmi mbi pronesinë e automjetit –kopjen e librezës së qarkullimit për Bikap nuk qëndron sepse në dosje të tenderit kemi ofruar foto të bashkuar me kopjen e librezës së automjetit.

Vlen të theksohet se arsyet e eliminimit të arsyetuara në Letrën standarde të eliminimit dhe në Vendimin për refuzim të kërkesës për rishikim nuk korrespondojnë me Raportin mbi vlerësimin e tenderëve.

Duke pasur parasysh këto fakte me plote të drejte mund të konstatohet se AK Komuna e Vitisë ka bërë shkelje të dispozitave të nenit 56 paragrafi 1.1 të LPP-se.

.Neni 59, Vlerësimi ekzaminimi dhe krahasimi ,

Pretendojmë se AK KK Vitisë përmes Komisionit për vlerësimin, ekzaminimin dhe krahasimin e tenderit me vendimin e vet për të trajtuar ofertën e kompanisë NTSH "AB CLEAN" si oferte e pa përgjegjshme dhe si rrjedhojë e kësaj të eliminoj nga aktiviteti i mëtejshëm i prokurimit ka vepruar në kundërshtim me nenin 59, paragrafin 2, dhe 4 të LPP-se në Republikën e Kosovës.

Në vijim po citoj dispozitat e nenit 59. paragrafi 2 dhe 4 të këtij ligji:

2. Autoriteti kontraktues mundet që me shkrim të kërkojë nga një tenderues që të sigurojë një sqarim me shkrim mbi cilindo nga aspektet e tenderit të tij, në mënyrë që të bëhet ekzaminimi, vlerësimi ose krahasimi i tenderëve. Asnjë ndryshim material dhe asnjë aspekt i tenderit nuk duhet të kërkojen ose pranohen nga autoriteti kontraktues ose të ofrohen nga një tenderues.

4. Autoriteti kontraktues do të konsiderojë një tender si të përgjegjshëm vetëm nëse tenderi në fjalë është në përputhshmëri me të gjitha kërkesat e parashtruara në njoftimin e kontratës dhe në dosjen e tenderit. Pavarësisht nga e mëparshmeja, autoriteti kontraktues mund të konsiderojë një tender si të përgjegjshëm nëse: (i) përmban vetëm gabime ose paqartësi të cilat mund të korrigjohen pa ndryshuar kushtin material apo aspektin e tenderit në fjalë, ose (ii) përmban vetëm devijime të vogla që nuk mund të shkaktojnë ndryshime materiale ose devijime nga karakteristikat, kushtet, dhe kërkesat e tjera të parashtruara në njoftimin e kontratës dhe në dosjen e tenderit; me kusht që, çfarëdo devijimi i tillë të kuantifikohet, aq sa është e mundshme, dhe të merret parasysh gjatë vlerësimit dhe krahasimit të tenderëve.

Pretendojmë se AK –Komuna e Vitisë ka dështuar në vlerësimin ekzaminimin dhe krahasimin e tenderit, duke vlerësuar gabimisht ofertën e NTSH AB Clean si oferte e pa përgjegjshme.

Komisioni për vlerësimin ekzaminimin dhe krahasimin e tenderit ka vepruar në kundërshtim me dispozitat e këtij në ligji në momentin kur ka vlerësuar se tenderin në kundërshtim të plote me kërkesat formale administrative të pjesëmarrjes në tender të përcaktuara në FDT të dosjes së tenderit dhe në Njoftimin për kontratë.

Të ju përkujtojmë se kërkesat për kualifikim dhe përzgjedhje të OE janë të përcaktuara në Njoftimin për kontratë dhe në FDT të dosjes së tenderit.

Me fjalë të tjera në kemi plotësuar kërkesat minimale kualifikuese të përcaktuara në dosjen e tenderit, paragrafi 7,8, 9 13 dhe 14 përkatësisht kërkesat e përcaktuara në LPP-së, në nenin 65, 66, 68 dhe 69 të LPP-së.

Në paragrafin 27 të Informacioneve për tenderuesit të dosjes së tenderit në mënyrë detale është e parashikuar vlerësimi dhe ekzaminimi, krahasimi i tenderit. Citoj dispozitat e këtij paragrafi;

27.1 Tenderët e pranuar **me kohë** do të ekzaminohen, vlerësohen dhe krahasohen në bazë të procedurës së përcaktuar në Rregulloren e Prokurimi Publik.

27.2 Tenderi konsiderohet të jetë i **përgjegjshëm** kur:

- a. është në pajtueshmëri nga aspekti administrativ me kërkesat formale të kësaj dosjeje të tenderit;
- b. është në pajtueshmëri në termet teknike me përshkrimin, kërkesat dhe specifikimet e përcaktuara në këtë dosje të tenderit;
- c. është dorëzuar nga operatori ekonomik që përmbush kriteret e përzgjedhjes të

në këtë dosje të tenderit duke mos u larguar substancialisht nga to dhe duke mos u bashkangjitur atyre kufizim.

Duke pasur parasysh këto fakte pretendojmë se tenderi i jone ka qen ne përputhshmëri te plote me paragrafin a,b, dhe c te dosjes se tenderit.

Neni 72 Dokumentacioni dhe informacioni shitesë

Pretendojmë se AK KK Vitisë përmes Komisionit për vlerësimin, ekzaminimin dhe krahasimin e tenderit me vendimin e vet për të trajtuar ofertën e kompanisë NTSH “AB CLEAN” si oferte e pa përgjegjshme dhe si rrjedhojë e kësaj te eliminoj nga aktiviteti i mëtejme i prokurimit ka vepruar në kundërshtim me neni 72 , paragrafin 1, 2 dhe 3 te LPP-se ne Republikën e Kosovës.

Citojmë dispozitat e nenit 72 te LPP-se.

- 1. Kur informacioni apo dokumentacioni që duhet të dorëzohet nga operatorët ekonomikë është ose duket të jetë jo i plotë ose i gabuar, ose kur mungojnë dokumentet specifike, autoritetet kontraktuese mund të kërkojnë nga operatorët ekonomikë që të dorëzojnë, plotësojnë, sqarojnë apo kompletojnë informacionin apo dokumentacionin e duhur brenda një afati të caktuar kohor, me kusht që kërkesat e tilla bëhen në përputhje të plotë me parimet e trajtimit të barabartë dhe transparencës.*
- 2. Autoriteti kontraktues mund të ftojë operatorët ekonomik për të plotësuar apo të qartësojë certifikatat dhe dokumentet e paraqitura në pajtim me nenet 65-71 të këtij ligji.*
- 3. Sigurimi i informacionit që mungon ose ofrimi i informacionit do të aplikohet vetëm për dokumentet ekzistenca e të cilave është e fiksuar, para skadimit të afatit për dorëzimin e tenderëve, dhe mund të verifikohet në mënyrë objektive.*

Duke pasur parasysh këto fakte pretendojmë që AK KK Vitisë nuk ka shfrytëzuar mundësinë ligjore që edhe nëse OE nuk i ka dorëzuar dëshmitë e kërkuara ne baze te kërkesave te AK-se , te kërkoj nga OE që te plotësoje apo te sqaroj dokumentet e paraqitura ne pajtim me nenin 65-71.

Edhe një here po theksojmë se ne i kemi dorëzuar ne dosje te gjitha dëshmitë koforme kërkesave te FDT se dosjes se tenderit.

PERFUNDIM

Duke pasur parasysh këto fakte kërkojmë nga organi kompetent i OSHP-se që:

- *Të aprovoj ankesën si të bazuar,*
- *Të anuloj, Vendimin për eliminimin nga aktiviteti i prokurimit për tenderin e lerteshenuar,*
- *Te anuloj Vendimin per dhenie te kontrates,*
- *Të kthej tenderin në rivlerësim dhe vlerësimi të bëhet në pajtim me kriteret e përcaktuara në njoftimin për kontratë dhe në FDT të dosjes së tenderit.*

Mbetemi me shprese ankesa e jone do të shqyrtohet pozitivisht.

Me nderime,

ALBULENA BRESTOVCI

,Drejtore
NTSH “ AB Clean ”
Lipjan

9. Dëmet materiale

Përshkruaj mënyrën se si shkelja e supozuar ka shkaktuar ose kërcënohet t'iu shkaktojë dëme materiale, ne rast se përfshini pretendime për kompensim.

Deri më tani nuk kemi pasur dëme materiale.

10. Lista e dokumenteve (dëshmime) të bashkangjitura

Nëse aplikohet, bashkëngjitni kërkesës dokumentet e renditura më poshtë:

- a) një kopje të publikimit të “Njoftimit për Kontratë” apo “Njoftimit për Konkurs të Projektimit.*
- b) një kopje të publikimit për “Njoftimin e Dhënies së Kontratës” apo “Njoftimin për Rezultatet e Konkursit të Projektimit” apo “Njoftimit për Anulim”.*
- c) një kopje të letrës së eliminimit të tenderuesit/kandidatit/ letrës se tenderuesit të pasuksesshëm/ letrës për mos para-kualifikim.*
- d) një kopje të procesverbalit të hapjes publike të tenderëve, nëse aplikohet.*
- e) Një kopje të Vendimit për refuzimin e kërkesës*
- f) Kërkesën për informata shtese*